


# На литии стихиры праздника самогласны, глас 1

Знаменного роспева



В шес - тый ме - сяц Ар - хи - стра - тиг



по - слан бысть к Те - бе Де - ве и Чис - тей,



воз - вес - ти - ти Те - бе сло - во спа - се - ни - я,



вку - пе же и зва - ти Те - бе:




Ра - дуй - ся, Об - ра - до - ван - на - я,



Гос - подь с То - бо - ю.



Ро - ди - ши Сы - на Пре - веч - на - го из От - ца



и спа - сет лю - ди Сво - я от грех их.

## На литии

*стихиры праздника самогласны, глас 1.*

*Византиево:* **В шестый месяц архистратиг послан бысть/ к Тебе Деве и Чистой,/ возвестити Тебе слово спасения,/ вкупе же и звати Тебѣ:/ Радуйся, Обрадованная, Господь с Тобою./ Родиши Сына Превѣчнаго из Отца// и спасет люди Своя от грѣх их.**

*Анатолиево:* **В месяц шестый послан бысть с Небесе Гавриил Архангел,/ во град Галилейский Назарѣт,/ принести Отроковице радость Благовѣщения:/ и пришед к Ней возопи глаголя:/ Радуйся, Обрадованная, Господь с Тобою./ Радуйся, Вместителище невместимаго Естества,/ Егоже бо небеса не вместитиша,/ утроба Твоя вместити, Благословенная./ Радуйся, честное Адамово воззвѣние,/ Евино избавление и радость мѣра,// и веселие рода нашего.**

**Послан бысть Архангел Гавриил с небесе от Бога к Деве нескверней, во град Галилейский Назарет, благовестити ей страннаго образа зачатие. Послан бысть раб безплотен ко одушевленному граду и двери мысленней возвестити Владычняго пришествия снिति. Послан бысть воин небесный ко Пресвятыя Славы Палате, проуготовати зиждителя жилище неотъемлемо. И пришед к Ней взываше: Радуйся, Престоле огнезрачный, четверозрачных преславнейший: Радуйся, седалище Царя Небеснаго. Радуйся, горо несекомая, приятелище пречестное: в Тебе бо все исполнение вселися Божества телесно, благоволением Отца присносущнаго и содейством Всесвятаго Духа. Радуйся, Обрадованная, Господь с Тобою.**

*Аще суббота или неделя:*

*Слава, глас 8-й. Иоанна монаха.*

**Да веселятся небеса и радуется земля: ибо Отцу Соприсносущный, Собезначальный и Сопрестольный, щедротство приемь и человеколюбную милость, Себе постави во истощание, благоволением и советом Отчим: и во утробу вселися Девичу, предочищенную Духом. О, чудесе! Бог в человецех, Невместимый в ложеснах, Безлетный в лето: и еже преславне, яко и зачатие безсеменно, и истощание несказанно, и таинство елико. Бог бо истощавается, и воплощается, и зиждется, ангелу ко Чистой зачатие глаголавшу: Радуйся, Обрадованная, Господь с Тобою, имей велию милость.**

*И ныне, глас 2:*

**Благовествует Гавриил Благодатней днесь: Радуйся, Невестная Мати, и Неискусобрачная, не удивляйся странному моему зраку, не ужасайся, Архангел бо есмь. Змий прельсти Еву иногда: ныне же благовествую Тебе радость, и пребудеши нетленна, и родиши Господа, Пречистая.**

*Аще же день постен: Слава и ныне: Благовествует Гавриил. Также молитвы обычныя бденія. И вшедше в храм, поем.*